

## Sä'mmla ceerkvest -ha'ŋkkõs vuäžžai teäggtoõzz ceerkvallaš-sååbbrest

Lää'dd evankeel-luteerla ceerkav ceerkvallaš-sååbbar lij priimmâm plaan, ko'st ceerkav da sä'mmlai kõskksa tuõttvuõtt- da suävâdvuõttprosessâ kuulli ha'ŋkkõ'sse va'rrje 90 000 eeu'r mie'rrtie'gğ ee'jjid 2023 da 2024, õhtsa 180 000 eu'rred. Ha'ŋkkõõzz nõmmân lij plaanum Sä'mmla ceerkvest, Sämmiliih kirhoost, Sápmlačcat girkus, Saamelaiset kirkossa.

Ceerkvallaš-såbbar mie'rrtie'gğ vuei'tlvâstt ha'ŋkkõõzz, kää'tt lij jiõččnaž da jeä'rmõs valdia da sä'mmlai kõskksesst tuõttvuõtt- da suävâdvuõttkomissiost, koon šiõttee 28.10.2021. Ceerkav ha'ŋkkõs juätkk luândlõ'žžen vue'ssen tõi tuâj, koon Lää'dd evankeel-luteerla ceerkav lij raajjâm ee'jji poodd sä'mmlai, sää'mkiõli da sää'mkulttuur säâ'j ra'vjem diõtt.

Mie'rrtie'gğ mie'tt säâ'mpapp Mari Valjakka juätkk tuâjas ha'ŋkkõõzzâst ee'jji 2023-2024 pââ'j projee'ktest va'sttee'jen tuâjttuejje'e'jen. Lââ'ssen ha'ŋkkõõzz staanân taimmai jeä'rmõs ohjeemä'rttel.

Oulu aa'rhelkää'dd pispp Jukka Keskitalo stään ha'ŋkkõõzz da juätkk nääi't tuõttvuõđ da suävâdvuõđ pue'rren raajjam tuâj, koon suu oudldee pispp Samuel Salmi alttii raaukee'n pro'sttjõõzz sä'mmlain ceerkav tuejjeem vie'rrvuõđid Aanrest ee'kken 2012. Saaggstes pispp Salmi vii'ttji tuu'l ceerkav roo'le rooddmä'tt' tõslain tu'tkkõõzzin.

Prosee'ssest pâjjan seällhääidlaž täävtõs de vuei'nnemku'lmm, koon kääčča ha'ŋkkõõzzâst "jee'eltää'zz" vuei'nnemku'lmmen. Täin kovvee tõi, što ha'ŋkkõõzzâst haa'lee teivvad sä'mmlaid õhttân ooumžen da õhttõssân sä'mmlai dommvuu'dest da gäärdin de ta'rjjeed lââ'ssen na'ddjõsvuâlaž kiõtt' tõõllad ceerkva, oskku da åskldõ'kke kuulli lossâd aa'sšid. Prose'ss haa'lad ta'rjjeed lââ'ssen vuei'tlvažvuõđ jue'kked õõutsââ'jest še puk tõi šiõgg, mâi'd oummu liä kiõččlâsttam seä'brrkää'dd taimm'mam pâäi'k.

Ha'ŋkkõõzz čõõđte aa'rhelsåbbar pravlee'nn'ja da Oulu aa'rhelkää'dd õhttsažtuâjjan. Åâ'n priimmum mie'rrtie'gğ va'rrje aa'rhelsåbbar pravlee'nn'ja täällarvvõ'sse.

Aa'rhelsåbbar vä'lddpiisar Kari Kopperi mie'ldd ha'ŋkkõs alttad odđ mäâ'tt sä'mmlai da ceerkav kõskkvuõđâst. Täävtõssân lij äävas da vuäsee'jes prose'ss, koon jätt'tâ'ttem poodd jiä veâl teâđ, mâkam puâđõõzzid puä'tte.

### Lââ'ssteâđ:

Aa'rhelsåbbar pravlee'nn'ja vä'lddpiisar Kari Kopperi, kari.kopperi@evl.fi, p. 050 5941317

Sä'mmla ceerkvest -ha'ŋkkõõzz proje'kttplaaneei Mari Valjakka, mari.valjakka@evl.fi, p. 040 1833460